



Eugene Rhuggenaath presidente nobo Hunta di Supervishon PCN

Anterior promé minister di Kòrsou, Eugene Rhuggenaath, ta bira e presidente nobo di e Hunta di Supervishon di Pensioenfonds Caribisch Nederland (PCN)

Ruggenaath por kuminsá fungi den su ròl nobo, despues ku De Nederlandsche Bank (DNB) djaweps a konfirmá ku Rhuggenaath ta kumpli ku tur e rekisitonan pa e posisión prominente aki. Ruggenaath ta bai remplasá Age Bakker, ku anteriormente tabata ehersé e funshon aki. Direktiva di PCN pa algun siman tin kombersashonnan amplio ku Rhuggenaath kaba i ta hopi kontentu ku su nombramentu. "Ku Rhuggenaath, nos tin un presidente di nos Hunta di Supervishon ku tin hopi konosementu i kapasidat, ta papia nos idioma i alabes konosé nos islanan bon," asina president di direktiva di PCN, Harald Linkels, a bisa. Banda di Rhuggenaath, e Hunta di Supervishon di PCN ta inkluí eks-funksionario di BZK Kees Maas i eks-Gezaghebber di Boneiru, Herbert Domacassé.

Órgano

PCN tin tres órgano di maneho ku ta duna direkshon na e fondo: hunta di direktiva (bestuur), hunta di supervishon (Raad van Toezicht) i e órgano di konsulta i konseho (Advies- & Verantwoordingsorgaan, òf AVO).



Kees Maas



Herbert Domacassé